

**দুর্নীতি দমন কমিশনের সকল পর্যায়ে কর্মরত কর্মকর্তা ও কর্মচারীদের জন্য  
রেশন নীতিমালা, ২০২০**

১। সংক্ষিপ্ত শিরোনাম, প্রবর্তন ও প্রয়োগ:

(ক) এই নীতিমালা “দুর্নীতি দমন কমিশনে কর্মরত সকল পর্যায়ের কর্মকর্তা/কর্মচারীদের জন্য রেশন নীতিমালা, ২০২০” নামে অভিহিত হইবে।

(খ) এই নীতিমালার সকল বিধান দুর্নীতি দমন কমিশনে কর্মরত সকল পর্যায়ের কর্মকর্তা/কর্মচারীর জন্য প্রযোজ্য হইবে।

(গ) ইহা অবিলম্বে কার্যকর হইবে।

২। দুর্নীতি দমন কমিশনে কর্মরত সকল পর্যায়ের কর্মকর্তা/কর্মচারী নিজের ও পরিবারের সদস্যদের জন্য সরকার কর্তৃক নির্ধারিত মূল্যে রেশন প্রাপ্য হইবেন।

৩। রেশন আইটেম ও স্কেল:

কর্মচারীদের চাকুরি/পদে যোগদানের তারিখ হইতে নিম্নলিখিত আইটেমসমূহের বিপরীতে প্রদর্শিত হারে রেশন প্রদান করা হইবে:

দ্রব্যের নাম	১(এক) সদস্য মাসিক স্কেল কেজি/লিটার	২(দুই) সদস্য মাসিক স্কেল কেজি/লিটার	৩(তিন)সদস্য মাসিক স্কেল কেজি/লিটার	৪(চার) সদস্য মাসিক স্কেল কেজি/লিটার
চাল(সিদ্ধ/আতব)	১১ কেজি	২০ কেজি	৩০ কেজি	৩৫ কেজি
আটা	১২ কেজি	২০ কেজি	২৫ কেজি	৩০ কেজি
চিনি	১.৭৫ কেজি	৩ কেজি	৪ কেজি	৫ কেজি
ডাল	৩.৫ কেজি	৫.৫ কেজি	৭ কেজি	৮ কেজি
ভোজ্য তেল	২.৫ লিটার	৪.৫ লিটার	৬ লিটার	৮ লিটার

৪। প্রাধিকারপ্রাপ্ত কর্মচারী:

দুর্নীতি দমন কমিশনে কর্মরত সকল পর্যায়ের কর্মচারী।

৫। রেশন-প্রদান পদ্ধতি:

(ক) রেশনীগণ (Rationee) সংশ্লিষ্ট কার্যপত্র হইতে নিজ নিজ নামে ইস্যুকৃত রেশন কার্ড সংগ্রহপূর্বক নিজ ও পরিবারের সদস্যগণের (পরিবারের অবস্থান পোষণ অভ্যন্তরে কর্মস্থল বহির্ভূত হলেও) জন্য নির্ধারিত হারে (স্কেল) রেশন উত্তোলন করিতে পরিবেন।

(খ) প্রত্যেক কর্মচারী নিজ নিজ কর্মরত ইউনিট (পুলিশ রেশন স্টোর) অথবা নিকটস্থ ইউনিট (যে ক্ষেত্রে নিজ ইউনিটে/জেলায় রেশন প্রদান সুবিধা নাই) হইতে নির্ধারিত মূল্য নগদ পরিশোধ করিয়া রশিদ গ্রহণপূর্বক নিজ ও পারিবারিক রেশন উত্তোলন করিতে পারিবেন। কর্মচারীগণ নিজ নিজ কর্মরত জেলা/ইউনিট ছাড়াও অন্য যে কোন জেলা/ইউনিট (পুলিশ রেশন স্টোর) হইতে নিজ নিজ প্রাধিকার স্কেল অনুযায়ী নিজ ও পারিবারিক রেশন উত্তোলন করিতে পারিবেন। তবে এক্ষেত্রে স্ব-স্ব নিয়ন্ত্রণকারী অবহিত করিবেন।

(গ) প্রত্যেক কর্মচারী নিজ নিজ কর্মরত ইউনিট এলাকাধীন পুলিশ রেশন স্টোর হইতে নির্ধারিত মূল্য পরিশোধ করিয়া রশিদ গ্রহণপূর্বক নিজ ও পারিবারিক রেশন উত্তোলন করিতে পারিবেন।

৬। রেশন প্রদানের বিষয়ে নিম্নলিখিত শর্তসমূহ অনুসরণ করা হইবে:

(ক) প্রত্যেক কর্মচারী নিজে, তার স্বামী/স্ত্রী এবং সর্বোচ্চ ২ (দুই) সন্তান রেশন প্রাপ্য হইবে।

(খ) একাধিক স্ত্রীর ক্ষেত্রে কেবল একজনই রেশন গ্রহণের যোগ্য হইবেন।

(গ) সন্তানদের ২৫ বছর বয়োপ্রাপ্তি পর্যন্ত রেশন প্রদান করা যাইবে। তবে এই সময় সীমার পূর্বেই কোন সন্তান বিবাহ বন্ধনে আবদ্ধ হইলে অথবা অর্থ উপার্জনের সক্ষম হইলে উক্ত সন্তান রেশন প্রাপ্য হইবে না।


(ঘ) প্রত্যেক পরিবারে রেশন প্রাপ্ত সদস্য সংখ্যা ৪ (চার) জনের অধিক হইবে না।

(ঙ) উপরের 'গ' উপানুচ্ছেদে যাহাই উল্লেখ করা হইক না কেন শারীরিকভাবে অসমর্থ, পঙ্গু অথবা বিকলাঙ্গ (প্রতিবন্ধী) সন্তানাদি যদি পিতা-মাতার উপর নির্ভরশীল হয় তবে যত দিন তিনি নির্ভরশীল থাকিবেন ততদিন রেশন প্রাপ্য হইবেন। এ ক্ষেত্রে যথাযথ ডাক্তারী সনদ পত্রের প্রয়োজন হইবে।

(চ) স্বামী-স্ত্রী উভয়ই দুর্নীতি দমন কমিশনে কর্মরত হইলে যে কোন একজন রেশন সুবিধা প্রাপ্য হইবেন। অপরজন পরিবারের সদস্য হিসেবে রেশন প্রাপ্য হইবেন।

(ছ) স্বামী-স্ত্রী উভয়ই যদি ভিন্ন ভিন্ন রেশন সুবিধা সম্বলিত সংস্থায় কর্মরত থাকেন তাহা হইলে উভয়ের যে কোন একজন তাহার নিজ সংস্থা হইতে রেশন উত্তোলন করিতে পারিবেন এবং অপরজন পরিবারের সদস্য হিসাবে রেশন প্রাপ্ত হইবেন।

- ৭। পিআরএল-এ থাকাকালীন প্রত্যেক সদস্য একই হারে রেশন প্রাপ্য হইবেন।
- ৮। সাময়িক বরখাস্তকালীন নিজ এবং পরিবারের জন্য রেশন প্রাপ্য হইবেন।
- ৯। ভবিষ্যতে রেশন প্রদান সংক্রান্ত পুলিশ বিভাগের রেশন নীতিমালার যে কোন পরিবর্তিত বিধি-বিধান এর আলোকে/প্রয়োজনে যে কোন সময়ে কমিশন এই নীতিমালা সংশোধন/পরিবর্তন করিতে পারিবেন।
- ১০। বিশেষ দিবসসমূহে প্রীতিভোজ উপলক্ষে প্রাধিকারপ্রাপ্ত সকল কর্মচারী সরকারি নীতিমালার আলোকে বিশেষ রেশন সুবিধা প্রাপ্য হইবেন।
- ১১। রেশন উত্তোলনের ক্ষেত্রে কোন প্রকার Back Feeding প্রযোজ্য হইবে না।

 : ২৪/৩/২০২০  
(মুহাম্মদ দিলোয়ার বখত)  
সচিব  
দুর্নীতি দমন কমিশন